



Broj: 05-16-4-4895-6/17
Sarajevo, ~~26.07~~ 2017. godine

Na temelju članka 69. stavak (2) tačka d) i članka 70. stavak (1), (4) i (6) Zakona o javnim nabavama Bosne i Hercegovine („Službeni list Bosne i Hercegovine“ broj: 39/14), ministar pravde Bosne i Hercegovine, d o n o s i

ODLUKU
o poništenju postupka javne nabave

I

Poništava se postupak javne nabave uredskog materijala sukladno članku 69. stavak (2) tačka d) Zakona o javnim nabavama Bosne i Hercegovine, jer nijedna od primljenih ponuda nije prihvatljiva.

II

Postupak nabave iz tačke I ove odluke se poništava, odluka stupa na snagu danom donošenja.

O b r a z l o ž e n j e

Ministarstvo pravde Bosne i Hercegovine je 18.05.2017.godine pokrenulo konkurentski postupak nabave uredskog materijala, izvršilo objavu na portalu javnih nabava Agencije za javne nabave Bosne i Hercegovine www.ejn.gov.ba 07.06.2017. godine i uputilo pozive ponuđačima na tri različite adrese.

U ostavljenom krajnjem roku za dostavljanje ponuda pristigle su ponude od sljedećih ponuđača:

1. R&S d.o.o. Sarajevo, Igmanska bb, 71320 Vogošća,
2. ELKOM d.o.o. Vitez, Divijak bb, 72250 Vitez,
3. FRANEX-TRADE d.o.o. Sarajevo, Vilsonovo šetalište br. 9, 71000 Sarajevo.

Nakon analize i procjene pristiglih ponuda, Povjerenstvo za javne nabave Ministarstva pravde Bosne i Hercegovine (u daljem tekstu: Povjerenstvo) je utvrdilo da dostavljene ponude ponuđača R&S d.o.o. Sarajevo, ELKOM d.o.o. Vitez i FRANEX-TRADE d.o.o. Sarajevo ne zadovoljavaju uvjete utvrđene tenderskom dokumentacijom te da se kao takve smatraju neprihvatljivim ponudama.

Naime, Povjerenstvo je konstatiralo da je tačkom 2.1.11. tenderske dokumentacije (Dostava uzoraka) propisano da su ponuđači obvezni dostaviti uzorke za one artikle iz Aneksa 2. tenderske dokumentacije, odnosno obrasca za cijenu ponude, koji su označeni boldirano. Traženi uzorci moraju imati deklaraciju proizvođača u kojoj je navedeno da isti po svojim karakteristikama odgovaraju zahtijevanim karakteristikama navedenim u Aneksu 2 tenderske dokumentacije. Deklaracija je obavezna za svaki proizvod a mora sadržavati najmanje sljedeće podatke: a) naziv proizvoda, ime pod kojim se proizvod prodaje; b) tip proizvoda ili model proizvoda; c) ime i punu adresu proizvođača, a za uvozne proizvode i ime i sjedište uvoznika, te zemlju porijekla.

Tačkom 2.1.11.2. tenderske dokumentacije dalje je propisano da ponuđač koji ne dostavi uzorke ili ne dostavi uzorke sa traženom deklaracijom na način propisan, ne može učestvovati

u postupku javne nabave i Povjerenstvo za javne nabave će kao takvu ponudu odbaciti kao nepotpunu, odnosno neće je razmatrati. Također, ukoliko Povjerenstvo za javne nabave ocijeni i provjeri da dostavljeni uzorci nisu u skladu sa zahtijevanim karakteristikama navedenim u Aneksu 2 tenderske dokumentacije i deklaracijom, takvu ponudu će odbiti kao neprihvatljivu.

U slučaju ponuđača **R&S d.o.o. Sarajevo** Povjerenstvo je, nakon izvršene ocijene i provjere dostavljenih uzoraka, konstatovalo da dostavljeni uzorak artikla pod rednim brojem 30. (Super color marker Broad Pilot ili ekvivalent) nije u skladu sa karakteristikama zahtijevanim Aneksom 2. tenderske dokumentacije. Naime, Aneksom 2. zahtijevana je tinta na bazi vode a kod dostavljenog uzorka markera tinta je na bazi alkohola („alcohol ink“).

Slijedom navedenog, a u skladu sa tačkom 2.1.11.2. tenderske dokumentacije, Povjerenstvo je konstatovalo da se ponuda ponuđača **R&S d.o.o. Sarajevo** odbija kao neprihvatljiva.

U slučaju ponuđača **ELKOM d.o.o. Vitez** Povjerenstvo je, nakon izvršenog uvida te ocijene i provjere dostavljenih uzoraka, konstatovalo da deklaracija uzorka artikla pod rednim brojem 39. (heftarica/klamerica velika 23/8, 23/10, 23/13) ne sadrži jedan od obveznih elemenata navedenih u tački 2.1.11.1. tenderske dokumentacije, i to element pod tačkom c) „ime i punu adresu proizvođača, a za uvozne proizvode i ime i sjedište uvoznika, te zemlju porijekla“. Preciznije, na deklaraciji uzorka navedenog artikla naznačena je zemlja porijekla i ime proizvođača ali nije navedena puna adresa proizvođača niti je navedeno ime i sjedište uvoznika. Istovremeno je konstatovalo da navedeni uzorak nije u skladu sa karakteristikama zahtijevanim Aneksom 2 tenderske dokumentacije. Naime, Aneksom 2 tenderske dokumentacije zahtijevan je kapacitet proizvoda od 210 listova a kapacitet dostavljenog uzorka je 200 listova.

Slijedom navedenog, Povjerenstvo je konstatovalo da, u skladu sa tačkom 2.1.11.2. tenderske dokumentacije, ponuđač **ELKOM d.o.o. Vitez** ne može učestvovati u postupku javne nabave, te je ova ponuda odbačena kao nepotpuna.

U slučaju ponuđača **FRANEX-TRADE d.o.o. Sarajevo** Povjerenstvo je, nakon izvršenog uvida te ocijene i provjere dostavljenih uzoraka, konstatovalo da deklaracija uzorka artikala pod rednim brojem 39. (heftarica/klamerica velika 23/8, 23/10, 23/13) ne sadrži jedan od obveznih elemenata deklaracije koji su navedeni u tački 2.1.11.1. tenderske dokumentacije, i to element pod tačkom c) „ime i punu adresu proizvođača, a za uvozne proizvode i ime i sjedište uvoznika, te zemlju porijekla“. Preciznije, na deklaraciji uzorka navedenog artikla nije navedeno ime i sjedište uvoznika.

Slijedom navedenog, Povjerenstvo za javne nabave je konstatovalo da ponuđač **FRANEX-TRADE d.o.o. Sarajevo**, u skladu sa tačkom 2.1.11.2. tenderske dokumentacije, ne može učestvovati u postupku javne nabave, te je ova ponuda odbačena kao nepotpuna.

Povjerenstvo je dalje konstatovala da u slučaju ponuđača **FRANEX-TRADE d.o.o. Sarajevo** uzorak artikla pod rednim brojem 23. (fina hemijska olovka crna, plava, crvena) nije u skladu sa karakteristikama zahtijevanim Aneksom 2 tenderske dokumentacije. Naime, Aneksom 2 tenderske dokumentacije zahtijevana je debljina crte 0,5 mm, dok je debljina crte kod dostavljenog uzorka u plavoj boji 0,7 mm. Također, uzorak pod rednim brojem 25. (hemijska olovka crna, plava, crvena) nije u skladu sa karakteristikama zahtijevanim Aneksom 2 tenderske dokumentacije. Naime, Aneksom 2 tenderske dokumentacije je zahtijevana debljina od 0,5 mm a debljina dostavljenog uzorka je 0,38 mm. Niti uzorak artikla pod rednim brojem 30. (super color marker Broad Pilot ili ekvivalent) nije u skladu sa karakteristikama zahtijevanim Aneksom 2 tenderske dokumentacije. Naime, Aneksom 2 zahtijevana je tinta na bazi vode a kod dostavljenog uzorka tinta je na bazi alkohola („alcohol based ink“).

Povjerenstvo je dalje konstatiralo da je tačkom 2.1.6. tenderske dokumentacije propisano da se za predmetnu nabavu predviđa e-aukcija u skladu sa Pravilnikom o uvjetima i načinu korištenja e-aukcije („Službeni list BiH“ broj: 66/16).


Člankom 3. stavak (1) Pravilnika o uvjetima i načinu korištenja e-aukcije propisano je da prije zakazivanja e-aukcije ugovorno tijelo u sistem e-Nabave unosi sve prihvatljive ponude.

Budući da u konkretnom slučaju nije pristigla niti jedna prihvatljiva ponuda e-aukcija se ne može niti zakazati niti održati.

Slijedom rečenog, Povjerenstvo u skladu sa člankom 69. stavak (2) tačka d) Zakona o javnim nabavama („Službeni list BiH“ broj: 39/14), kojim je propisano da je ugovorno tijelo obvezno poništiti postupak javne nabave u slučaju da nijedna od primljenih ponuda nije prihvatljiva, preporučilo ministru pravde Bosne i Hercegovine shodno Zapisniku o ocjeni ponuda broj: 18.6-16-4-5601-1/17 od 07.07.2017.godine, da donese Odluku o poništenju postupka nabave uredskog materijala.

Uzimajući u obzir naprijed navedeno, odlučeno je kao u dispozitivu odluke.

Pouka o pravnom lijeku: svaki ponuđač koji ima legitiman interes za konkretan ugovor o javnoj nabavi i koji smatra da je Ministarstvo pravde Bosne i Hercegovine u tijeku konkretnog postupka dodjele ugovora, prekršilo jednu ili više odredbi Zakona o javnim nabavama i/ili podzakonskih akata, ima pravo uložiti žalbu ministru pravde Bosne i Hercegovine na postupak u pisanoj formi, u roku od 5 (pet) od dana kada je primio odluku, odnosno obavještenje o poništenju postupka.



Privitak:
- Zapisnik o ocjeni ponuda.

Dostaviti:
- Ponuđačima u postupku (x3),
- a/a.